



REPUBLIKA E SHQIPËRISË
KËSHILLI I LARTË GJYQËSOR

Nr. _____ Prot.

Tiranë, më _____.____.2021

PROCESVERBAL I MBLEDHJES SË KËSHILLIT TË LARTË GJYQËSOR

(Mbledhje e realizuar me video konferencë)

(Mbajtur, më 10.06.2021)

Drejton mbledhjen Zëvendëskryetari i Këshillit të Lartë Gjyqësor, zoti Maksim Qoku.

Mbledhja u zhvillua në ambientet e Këshillit të Lartë Gjyqësor. Filloi në orën 13:05 dhe mbaroi në orën 13.09.

Në mbledhje ishin të pranishëm:

- | | |
|----------------------------|--------------------------|
| <i>1. Maksim Qoku</i> | <i>(zëvendëskryetar)</i> |
| <i>2. Fatmira Luli</i> | <i>(anëtare)</i> |
| <i>3. Brunilda Kadi</i> | <i>(anëtare)</i> |
| <i>4. Dritan Hallunaj</i> | <i>(anëtar)</i> |
| <i>5. Ilir Toska</i> | <i>(anëtar)</i> |
| <i>6. Alban Toro</i> | <i>(anëtar)</i> |
| <i>7. Marçela Shehu</i> | <i>(anëtare)</i> |
| <i>8. Erjon Muharremaj</i> | <i>(anëtar)</i> |

Shënim: Nuk morën pjesë në mbledhje Kryetarja e Këshillit të Lartë Gjyqësor, *zonja Naureda Llagami*, anëtar i Këshillit të Lartë Gjyqësor, *zoti Medi Bici* dhe anëtarja e Këshillit të Lartë Gjyqësor, *zonja Brikena Ukperaj*.

Merrnin pjesë gjithashtu nëpërmjet platformës:

- 1. Rudin Baqli, Sekretar i Përgjithshëm pranë Këshillit të Lartë Gjyqësor.*
- 2. Vildan Kaloshi, Drejtor pranë Drejtorisë së Shërbimeve Juridike.*
- 3. Valbona Bako, Përgjegjëse pranë Sektorit të Përgatitjes së Dokumentacionit dhe Përfaqësimit në Gjykatë.*
- 4. Staf administrativ i KLGJ-së.*

RENDI I DITËS:

1. Shqyrtimi i projektvendimit “Për caktimin e gjyqtarëve për gjykimin e çështjeve gjyqësore të veçanta në gjykata të tjera, të ndryshme nga ajo ku ushtrojnë funksionet në mënyrë të përhershme”, i përgatitur nga Komisioni i Zhvillimit të Karrierës, i përgatitur nga Komisioni i Zhvillimit të Karrierës (relator z. Ilir Toska).¹

Për shkak të angazhimeve që ka Kryetarja e Këshillit, mbledhja drejtohet nga zoti Qoki, Zëvendëskryetar i Këshillit të Lartë Gjyqësor.

Çështja e rendit të ditës së datës 10.06.2021 ka të bëjë me caktimin e gjyqtarëve për gjykimin e çështjeve gjyqësore të veçanta në gjykata të tjera, të ndryshme nga ajo ku ushtrojnë funksionet në mënyrë të përhershme.

Fjala i jepet relatorit të çështjes, z. Toska.

Relator i kësaj çështjeje është zoti Ilir Toska.

Zoti Toska parashtron se ka nevoja urgjente apo tepër urgjente në dy gjykata: Gjykata Administrative e Shkallës së Parë Gjirokastër dhe Gjykata e Apelit Korçë.

Vijohet shkurtimisht me relatimin e relacionit “Për caktim gjyqtari në Gjykatën Administrative të Shkallës së Parë Gjirokastër”.

Ndër të tjera, në relacion thuhet që, **Gjykata Administrative e Shkallës së Parë Gjirokastër**, ka paraqitur nevojë në 1 çështje gjyqësore.

¹ Procesverbali i kësaj çështjeje të rendit të ditës është përmbledhje.

Për nevojat si më lart të Gjykatës Administrative të Shkallës së Parë Gjirokastrë, në pamundësi të zbatimit të mekanizmave të skemës së delegimit (sa kohë të 9 gjyqtarë janë caktuar në gjykatat e apelit të juridiksionit të përgjithshëm dhe 1 prej tyre në gjykatën e shkallës së parë të juridiksionit të përgjithshëm dhe atë administrativ) dhe të transferimit të përkohshëm të gjyqtarit (për shkak të ndalimit të parashikuar nga ligji për Statusi, neni 42, pika 8), bëhet i nevojshëm zbatimi i nenit 170/1, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar dhe Vendimit të KLGJ-së “Për rregullat dhe procedurën e caktimit të gjyqtarit për gjykimin e një çështje gjyqësore të veçantë, në një gjykatë tjetër, të ndryshme nga ajo ku ushtron funksionin në mënyrë të përhershme”.

Propozimet e Komisionit janë:

Gjykata nga duhet të përzgjidhet, me short, gjyqtari që do të caktohet për gjykimin e 1 çështjeje gjyqësore të veçantë, të jetë Gjykata Administrative e Shkallës së Parë Korçë. Numri i gjyqtarëve që duhet të caktohen për gjykimin e 1 çështjeje gjyqësore të veçantë, të jetë 1.

Propozimet vijuese të Komisionit janë:

Në shortimin e kësaj çështje të përjashtohet nga shorti Kryetari i Gjykatës Administrative të Shkallës së Parë Korçë, i cili është edhe anëtarë i Kolegjit Zgjedhor, që është thirrur në detyrë, konkretisht: {...}.

Anëtarët e Këshillit nuk kanë kundërshtime ndaj propozimit të Komisionit dhe kështu vijohet me dokumentimin e shortit elektronik.

Nga shorti elektronik përzgjidhet (referuar tabelës në relacion):

Për çështjen nr. 1, gjyqtarja Etleva Gjamo.

Më tej vijohet me relatimin e relacionit të fundit “Për caktim gjyqtari në Gjykatën e Apelit Korçë”.

Ndër të tjera, në relacion thuhet që, **Gjykata e Apelit Korçë** ka paraqitur nevojë në 2 çështje, në lëndë penale.

Për nevojat si më lart të Gjykatës së Apelit Korçë, në pamundësi të zbatimit të mekanizmave të skemës së delegimit dhe të transferimit të përkohshëm të gjyqtarit, bëhet

i nevojshëm zbatimi i nenit 170/1, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar dhe Vendimit të KLGJ-së “Për rregullat dhe procedurën e caktimit të gjyqtarit për gjykimin e një çështje gjyqësore të veçantë, në një gjykatë tjetër, të ndryshme nga ajo ku ushtron funksionin në mënyrë të përhershme”.

Propozimet e Komisionit janë:

Gjykata nga duhet të përzgjidhen, me short, gjyqtarët që do të caktohen për gjykimin e 2 çështjeve gjyqësore të veçanta, të jetë Gjykata e Apelit Tiranë dhe numri i gjyqtarëve të jetë 2.

Propozimet vijuese të Komisionit janë:

Në shortimin e çështjeve të përjashtohet nga shorti Kryetari në detyrë i Gjykatës së Apelit Tiranë, konkretisht: z. Ridvan Hado.

Në shortimin e çështjeve të përjashtohen nga shorti gjyqtarët e Gjykatës së Apelit Tiranë, që janë në përbërje të Kolegjit Zgjedhor Gjyqësor, i cili është thirrur në detyrë prej datës 05.03.2021, referuar për këtë nenit 149/2 të Kodit Zgjedhor, konkretisht: Z. {...}; {...}.

Në shortimin e çështjeve të përjashtohen nga shorti gjyqtarët e Gjykatës së Apelit Tiranë, të cilët janë caktuar më herët, gjatë vitit 2021, në 10 apo më shumë çështje gjyqësore, në gjykata të tjera, të ndryshme nga ajo ku ushtrojnë funksionin në mënyrë të përhershme, konkretisht: Z. Artur Kalaja; Znj. Zegjine Sollaku.

Anëtarët e Këshillit nuk kanë kundërshtime ndaj propozimit të Komisionit dhe kështu vijohet me dokumentimin e shortit elektronik.

Nga shorti elektronik përzgjidhen (referuar tabelës në relacion):

Për çështjen nr. 2, penale, gjyqtarja Valdete Hoxha.

Për çështjen nr. 1, penale, gjyqtarja Elona Toro.

Me kaq mbyllet procedura e shortit dhe në tërësi e gjithë mbledhja plenare.

* * *

(Mbledhja deklarohet e mbyllur)

Për Këshillin e Lartë Gjyqësor